

illyricam decrevit; qui doctrina prudentia dexteritate in tractandis Regni negotiis inclauit. Sylvester *BUBANOVICS* episcopus crisiensis in sacris pariter ac politicis scientiis versatissimus, linguæ illyricæ peritissimus, latinæ quoque, italicæ, germanicæ ac gallicæ; qui omnia sua in alendos alūmnos insumit. Athanasius *Guozdanovics* canonicus crisiensis multarum scientiarum et linguarum cultor eximius. *Stanics* canonicus crisiensis mira ingenii acie pollens plures scientias et linguas illyricam, græcam, latinam, italicam, germanicam plane possidet. *Chiolich* canonicus zagrabiensis ob scientiam, linguarum peritiam, et præsertim eloquentiam latinam ac illyricam maximi æstimatur. Omnes hi sex partim Bononiæ, partim Romæ scientiis operam navarunt. Adamus *Baricsevich*, quo ego jamdiu familiarissime utor, Zagrabiaë parochus, doctus, eruditus, latinus purus elegansque, qui Ciceronem de Officiis, Senectute, Amicitia ab se in illyricum traductum brevi editurus est. Emericus *Vory* canonicus zagrabiensis libros in usum scholarum patria dialecto protulit. Antonius *Vranichius* produxit Robinson patrio sermone. Jos. *Matthievich* in evulgandis sacris sermonibus magnam famam obtinuit. Franciscus *Koretich* nunc laborat in exprimendis vernacula pœsi Psalmis ad normam immor-